# 養身與養心

一、生命本質:老病死不可迴避,輪迴尤其可懼。

二、人之本性: 欲擁有健康身心是人之本性,不可漠視。

三、因果相違:不當的養身反傷其身,不正思維反害其心。 《佛說八大人覺經》:「心是惡源,形為罪藪。」

四、知其根本:不識身心原理難遂養護身心之願1、身心不可分

《長阿含經》:「「阿難!若無識者,有名色不?」答曰:「無也。」「阿難!我以是緣,知名色由識,緣識有名色,我所說者,義在於此。阿難!緣名色有識,此為何義?若識不住名色,則識無住處;若無住處,寧有生、老、病、死、憂、悲、苦惱不?」答曰:「無也。」「阿難!若無名色,寧有識不?」答曰:「無也。」

「阿難!我以此緣,知識由名色,緣名色有識,我所說者,義在於此。 阿難!是故名色緣識,識緣名色,名色緣六入,六入緣觸,觸緣受, 受緣愛,愛緣取,取緣有,有緣生,生緣老、死、憂、悲、苦、惱, 大苦陰集。」

# 2、身心之長養

《瑜伽師地論》卷 57:「問如經言。有四種食皆能長養諸根大種。云何良。云何長養諸根大種。答段食、觸食、意思食、識食。由此四種長養五色根及意根并根所依所有大種。問云何段食。答諸所食噉。若能長養諸根大種。與此相違當知非食。如段食餘食非食應知亦爾。問段食云何能作食事乃至識食亦爾。答若諸段食能攝益識令其強盛。由此長養諸根大種亦令強盛。觸能攝受若喜若樂若捨一分。由此復能攝益諸識。由攝益故復能長養諸根大種。意思為欲證得可愛境界相故。依正方便起染不染希望喜根。緣未來境攝益於識。由此長養諸根大種。如是三食攝益其識。由體增盛及緣現在未來生故。識復長養諸根大種故立四食。」

# 3、過現未來身心因果交感

《瑜伽師地論》:「若於殺生親近數習多所作故。生那落迦。是名殺生 異熟果。若從彼沒來生此間人同分中。壽量短促。是名殺生等流果。 於外所得器世界中。飲食果藥皆少光澤勢力。異熟及與威德並皆微劣。 消變不平生長疾病。由此因緣無量有情未盡壽量非時中夭。是名殺生增上果。」

### 五、養護身心之心態

## 六、養護身心之要領

#### 基本法則

《十善業道經》:「爾時世尊告龍王言:「一切眾生心想異故,造業亦異,由是故有諸趣輪轉。龍王!汝見此會及大海中,形色種類各別不耶?如是一切,靡不由心造善不善身業、語業、意業所致。而心無色,不可見取,但是虚妄諸法集起,畢竟無主,無我、我所。雖各隨業,所現不同,而實於中無有作者。故一切法皆不思議,自性如幻。智者知已,應修善業,以是所生蘊・處・界等,皆悉端正,見者無厭。一一今大海中所有眾生,形色麁鄙,或大或小,皆由自心種種想念,作身、語、意諸不善業,是故隨業各自受報。汝今當應如是修學,亦令眾生了達因果,修習善業。汝當於此正見不動,勿復墮在斷、常見中!於諸福田歡喜、敬養,是故汝等亦得人天尊敬、供養。」

# 2、防違害緣

A、《佛說佛醫經》:「佛言:有九因緣,命未當盡為橫盡:一、不應飯為飯,二、為不量飯,三、為不習飯,四、為不出生,五、為止熟,六、為不持戒,七、為近惡知識,八、為入里不時不如法行,九、為可避不避。如是九因緣,人命為橫盡。不應飯為飯。可意飯者,謂不隨四時食,亦為已以飯復飯,是為不應飯為飯。不量飯者,謂不時食。若至他郡國,多食過足,是為不量飯。不習飯者,謂不時食。若至他郡國,不知俗宜飯食未習,不稍稍飯,是為不習飯。不出生者,謂飯物未消復上飯,若服藥吐下不盡便食來,是為不出生。止熟者,謂入便來時不即時行,噫吐、下風來時,制是為止熟。不持戒者,謂犯五

戒,現世間盜,犯他人婦女者,便入縣官,或刻、或死、或得棓榜壓死、若餓死、或得脫外從怨家得首死、或驚怖憂愁死,是為不持戒。近惡知識者,謂他人作惡便來及人。何以故?不離惡知識故。惡人不計當坐之,是為近惡知識。入里不知時不如法行者,謂晨暮行,亦有魍魎諍鬪者,若有長吏追捕而不避,若入他家舍,妄視不可視、妄聽不可聽、妄犯不可犯、妄念不可念,是為入不知時不如法行。可避不避者,謂弊牛、馬、狾、狗、蚖、蛇、虫,水、火、坑、穽、犇車、馳馬,拔刀醉人、惡人。餘若干,是為可避不避。」

B、《佛說佛醫經》卷1:「人得病有十因緣:一者、久坐不飯;二者、食無貸;三者、憂愁;四者、疲極;五者、婬妷;六者、瞋恚;七者、忍大便;八者、忍小便;九者、制上風;十者、制下風。從是十因緣生病。」

#### 3、眾善滋養:由善、戒、定、慧養心

A、《阿毘達磨大毘婆沙論》:「苦根欲界成就。色無色界不成就者。欲界有情乃至佛亦成就苦根。違境逼時不由分別而生苦故。色無色界無苦根者。由勝定力所滋潤故。無違境故。無有不善業煩惱故。---憂根未離欲染成就。已離欲染不成就者。憂根必由分別而起。未離欲者分別生憂。已離欲者起分別時不生憂感。」

B、《攝大乘論釋》:「四無量所攝定。此定得果身無諸病。心離眾惱。故恒歡悅。其餘諸定所得果報。雖復在家。與離欲仙人不異。以少煩惱故。等謂得好形相及長壽等。菩薩凡夫修定同得此果」

C、《大智度論》:「須菩提白佛言:「世尊!若善男子、善女人受持是般若波羅蜜,親近、正憶念者終不病,眼、耳、鼻、舌、身,亦終不病,身無刑殘,亦不衰耄,終不橫死。。」

D、《瑜伽師地論》:「復有餘受非此愛緣。謂明觸所生。及非明非無明觸所生。」

# 七總結要點

1、志向高遠不鬱塞; 2、智慧清明勿妄求; 3、心常慈悲少對立; 4、無常業身多善業; 5、少欲喜足去束縛。